

- 1' Wenn rüter / schriber / gryffen an
- 2' Eyn veisßten / schlechten / bürschen man
- 3' Der müß die leber *gessen* han



## Rüter vnd schriber

- 1 Schriber vnd rüter / man ouch spott
- 2 Sie sygen jn der narren rott
- 3 Sie bgont sich nach mit glicher nar
- 4 Der schyndt heymlich / der offenbar

---

3' gessen ] geffen *GW5046*

5 Der wogt syn lib jnn druck vnd naß  
 6 Der setzt syn sel jnns dinckten faß  
 7 Der rüter stoßt vil schüren an  
 8 Der schriber muß eyn buren han  
 9 Der veisßt syg / vnd mög trieffen wol  
 10 Do mit er riechen mach syn kol  
 11 Wann yeder dāt als er thūn sol /  
 12 So wāren sie beyd gelttes wert  
 13 Dyser mit fādern / der mit schwert  
 14 Mōcht man jr beid entberen nitt  
 15 Wann ob der handt nit wer jr schnytt  
 16 Vnd durch sie würd das recht versert  
 17 Man vß dem stāgenreyff sich nert /  
 18 Die wile aber vff eygen gwynn  
 19 Eyn yeder stelt syn mūt vnd synn  
 20 So wellen sie verzyhen mir  
 21 Das ichs jm narren schiff ouch für  
 22 Jch hab sie des gebetten nitt  
 23 Jr yeder selb den fūrlon gytt  
 24 Vnd will sich vff eyn nüws verdingen  
 25 Sunst kunden vil / jns schyff zū bringen /  
 26 Schriber vnd glichßner sint noch vil  
 27 Die triben yetz wild rüterspil  
 28 Vnd neren sich kurtz vor der handt /  
 29 Glich wie die reißknecht vff dem landt /  
 30 Es ist worlich eyn grosse schand /  
 31 Das man die strossen nit *wil* fryen  
 32 Das bylger / koufflüt / sicher sygen /  
 33 Aber ich weiß wol / was es dūt  
 34 Man spricht / es mach das geleyt vast gūt

---

26 glichßner *GW5046 GW5047* ] glifßner *GW5041* 31 wil ] vil *GW5041 GW5046*